

Goeng Ndi Bawx Cungj Doeng Ranz Cix Hwng Cix Hoengh

□ Veiz Vwnzgauh/韦文高

Goeng:

Sinjoj ok sawfwen,
Dawz ma cienz yaxgyaiq,
Caengz fwen sien gyaudaiq,
Bouxlawz ngaiq cix nyimz.

Bawx:

Goeng miz maz siengsim,
Doiqnaj ging bawx dingq,
Dwgrengz lai maz mingh,
Gangj bawx ding caez ciengz.

Goeng:

Siengj gangj ndi gamj gangj,
Lau sangj famh deng mwngz,
Goeng hix mbouj baenz vunz,
Yawz rox mwngz liengzsim.

Bawx:

Geij yungh gangj vah yaem,
Gou ndaw saem(sim) nanz rox,
Geij gangj vah goemq ndoj,
Nauh doxcai doxngeiz.

Goeng:

Nyap ndi haeuj lwgda,
Guh maz mwngz youh yaep,
Heiq mwngz goj gag ndaet,
Gangj vah caet gumgum.

Bawx:

Vah aeu gangj mingzbej,
Yaek aeu ceg faenmingz,
Geij goemq vah ndawsim,
Mienx aek in aeuqheiq.

Goeng:

Vah naeuz seuq sim sangj,
Gou gangj mwngz le dingq,
Guh vunz bingz liengzsim,

Bengz gvaq gim gvaq bauj.

Bawx:

Gangj hauqswnh bouxlaux,
Dauq suenq gou ceiq ndei,
Bingz mbanj gyawj mbanj gyae,
Ciengzseiz miz vunz haenh.

Goeng:

Mwngz ciengzseiz fatheiq,
Nauh dwk deih yunyun,
Cienz dienyah lajmbwn,
Cix suenq mwngz ceiq nyanq.

Bawx:

Mwngz cungj naeuz gou nyanq,
Mwngz can lawz ndi gwn,
Gvaqlaeng mwngz youh lumz,
Lajmbwn caengz raen gvaq.

Goeng:

Ngoenzbonz boh mwngz daeuj,
Mwngz daek laeujsamva,
Gou daj rog dauqma,
Mwngz guh naj gaeuzngauq.

Bawx:

Ngoenzbonz boh gou daeuj,
Sai laeuj goj hemq mwngz,
Mwngz gag nyaeuq ndi gwn,
Dauq gvaq vunz mboujseih.

Goeng:

Mwngz bae mbanj bae haw,
Gven bakdou maenh ndaet,
Siuj ndi gven saek mbat,
Ma nyoe knyak youh hongz.

Bawx:

Gven dou gyaeng gaeq mou,

Youh naeuz gou gyaeng mwngz,
Lajmbwn daihbaj vunz,
Cix dan mwngz yienghneix.

Goeng:

Ngoenz bang mwngz gueng mou,
Da gou cix yaek mengz,
Byaij loh cix nyenggyeng,
Dwgrengz ndang yaek sanq.

Bawx:

Nanzvei mwngz haibak,
Mbouj seih gag duh gou,
Bang cawj saek donq souh,
Youh gvaq naeuz dwgrengz.

Goeng:

Bang mwngz dawz nyez saeq,

Ngoenz ndi ndaej cuengq fwngz,
Dwgrengz lai le mbwn,
Bawx miz gwn ndi hemq.

Bawx:

Goeng maz lau dawz lan,
Mwngz bae cam vunz naeq,
Goeng lau daiq lan saeq,
Lwg aeu maex guh maz.

Goeng:

Ngoenz coq souh coq ngaiz,
Youh uet myaiz uet haex,
Gwj youz de gwj daej,
Cungj ndi ndaej cuengq fwngz.

(1)



Ndithaemh daengh aen mbwn、goengq bya、diuz
dah gyaemqbwbtwt. Cinz Dingzveih ingj

Vangz Gencingh cam: “Laux-doengz, aen dieghong seizlawz haihong?”

Lij Danenz naeuz: “Cinz laux-banj naeuz, de caeuq gyazfanh cawjlaeuz gangjgyaq mbouj ngamj, doiqfueng hawj gyaqcienz daemq lai, mbouj habsuenq hong mbouj baenz guh lo.”

Vunzbaz Lij Danenz “yu” coenz ndeu, Lij Danenz din vaiq dog din vunzbaz de, vunzbaz de mbouj guhsing le, dawz sieg daek raemxdang gwn.

Daengngoenz yaek roengz, song

Lauxdoengz

□ Moz Lijginz / 磨礼勤

dahlwg Lij Danenz nauh baema. Vangz Meijyen sikhaek bae riuj song daeh maksandauz daeuj, haetneix Lij Danenz hai ci daeuj, dahhung de raen Vangz Meijyen riuj song daeh mak, couh suglien hai sienglaeng hawj Vangz Meijyen cuengq haeujbae. Mehyah Vangz Gencingh riuj lamz gyaeqgaeq ndeu gvaqdaej, mehyah Lij Danenz mizdi doeksaet, cacoemj naeuz: “Mehdoengz mwngz gaej hawj baenzlai gyaeqgaeq, aeu geij aen ndaej lo.”

Mehyah Vangz Gencingh daih-

fueng naeuz: “Dou miz gyaeqgaeq lai ha.”

Haj

Banhaemh, Lij Danenz naj saepsatsat, doiq mehyah de naeuz: “Baezlaeng, gij saehcingz gou mwngz gaej doeng cam sae cam, lumj ngoenzneix youq laeng lauxdoengz, gou doiq lauxdoengz gangj Cinz lauxbanj gij hong gunghcwngz dajcang mbouj baenz guh, mwngz capbak guh maz?”

Mehyah de lumj cim vunz

najseng nei naeuz: “Mwngz baenzneix guh mbouj baenz bw, guh vunz aeu lauxsaed, miz maz gangj maz, congghbak mbouj doiq congghoz couh hoj guh vunz, yaek guhhong aeu sien guh ndei vunz gonq!” Lij Danenz gig mboujmuenx, naeuz: “Gou byaij daengz yamq neix, youq gyoengq beixnuengx, baengzyoux ndawde heuh rumz ndaej rumz heuh fwn ndaej fwn, gou nanzdauh mbouj rox guh vunz? Mwngz fatmoengx lo!”

Mehyah miz leix gangj yiengi, “Vah hix dwg mwngz naeuz hawj gou nyi, Cinz lauxbanj heuh mwngz cam lauxdoengz hauhneix gyaqcienz guh ndaej mbouj? Mwngz ngaenx naeuz dwg Cinz lauxbanj caeuq gyazfanh boux cawjlaeuz doxyaeng mbouj ngamj, hong mbouj baenz guh!”

(6)

